

ইমামের প্রতিনিধিগণ :

ক) বিশেষ প্রতিনিধিগণ :

স্বল্পমেয়াদী অদৃশ্যকালে শিয়া মাযহাবের বিশিষ্ট চারজন ব্যক্তি ইমাম মাহ্দীর (আঃ) প্রতিনিধি বা খলিফা ছিলেন। যারা প্রতিনিয়ত তাঁর খেদমতে ছিলেন এবং তারা যে ইমামের প্রতিনিধি তা সাবার কাছেই গ্রহণীয় ছিল। ইমামের কাছে লিখিত বিভিন্ন প্রশ্নের উত্তর লোকজন এই চারজন প্রতিনিধি বা খলিফার মাধ্যমেই পেত।

অবশ্য এই চারজন ব্যতীত ইমামের পক্ষ থেকে বিভিন্ন অঞ্চলে আরও প্রতিনিধি নিযুক্ত ছিল, কিন্তু তারাও এই চারজন বিশেষ প্রতিনিধির মাধ্যমেই ইমামের সাথে সংযোগ স্থাপন করত। তদ্রূপ ঐ প্রতিনিধিদের ব্যাপারে ইমামের যে আদেশ নির্দেশ থাকতো তা তাঁর এই চারজন বিশেষ প্রতিনিধির মাধ্যমেই পাঠাতেন^১। মরহুম আয়াতুল্লাহ সাইয়েদ মোহসেন আমিনের বক্তব্য অনুযায়ী ইমামের পক্ষ থেকে শুধুমাত্র এই চারজনই বিশেষ প্রতিনিধি হিসাবে দায়িত্ব প্রাপ্ত ছিলেন যা অন্যান্য প্রতিনিধিদের ছিল না। অন্যান্য প্রতিনিধিদের মধ্যে যথাক্রমে : আবুল হুসাইন মুহাম্মদ বিন জা'ফার আসাদী, আহমাদ বিন ইসহাক আশআ'রী, ইব্রাহীম বিন মুহাম্মদ হামাদানী, আহমাদ বিন হামযাহ বিন ইয়াসা প্রমুখ ছিলেন^২।

ইমামের চারজন প্রতিনিধিরা হলেন যথাক্রমে :

- ১- জনাব, আবু আ'মরো উসমান বিন সাঈদ আ'মরী।
- ২- জনাব, আবু জা'ফর মুহাম্মদ বিন উসমান বিন সাঈদ আ'মরী।
- ৩- জনাব, আবুল কাসেম হুসাইন বিন রুহ নওবাখতী।
- ৪- জনাব, আবুল হাসান আলী বিন মুহাম্মদ সামারী।

আবু আ'মরো উসমান বিন সাঈদ মানুষের আস্থাভাজন ও উচ্চ মর্যাদা সম্পন্ন হযরত হাদী ও হযরত আসকারী (আঃ)-এরও প্রতিনিধি ছিলেন^৩। ইমাম মাহ্দীর (আঃ) নির্দেশে তিনি ইমাম আসকারী (আঃ)-এর কাফন ও দাফন করান^৪। তিনি ইরাকের সামেরা শহরের আসকার অঞ্চলে বসবাস করতেন বিধায় তাকেও আসকারী উপাধীতে সম্বোধন করা হত। আক্রাসীয় খেলাফতের লোকজন যেন বুঝতে না পারে যে তিনি ইমাম (আঃ)-এর প্রতিনিধি বা তার কাজের ব্যাপারেও যেন কিছু জানতে না পারে। সে জন্য তিনি তেল বিক্রয়ের কাজ করতেন^৫। যখনই ইমাম আসকারীর (আঃ) সাথে অনুসারীদের যোগাযোগ অসম্ভব হয়ে পড়তো তখন তার কাছে শিয়াদের খোমস, যাকাত.....ইত্যাদির অর্থ সম্পদ ইমামের কাছে পৌছানোর জন্য দিত। তিনি এই অর্থ সম্পদ তার তেলের টিনের মধ্যে ভরে তেল বিক্রয়ের ছলনায় তা ইমামের কাছে পৌছে দিত^৬।

আহমাদ বিন ইসহাক কোমী বলেন : ইমাম হাদীর (আঃ) কাছে এ বিষয়টি উপস্থাপন করেছিলাম যে, -আমি কখনও এখানে আবার কখনও অন্য জায়গায় যাই। আর যখন এখানে থাকি

^১ আল মাহ্দী, পৃঃ- ১৮২।

^২ আ'য়ানুশ শিয়া, খন্ড- ৪, পৃঃ- ২১।

^৩ মুনতাহাল মাকাল, আল মাহ্দী, পৃঃ- ১৮১।

^৪ আ'য়ানুশ শিয়া, খন্ড- ৪, পৃঃ- ১৬।

^৫ আ'য়ানুশ শিয়া, খন্ড- ৪, পৃঃ- ১৬।

^৬ বিহারুল আনোয়ার, খন্ড- ৫১, পৃঃ- ৩৪৪।

সবসময় আপনার কাছেও আসতে পারি না, এমতাবস্থায় আমি কাকে অনুসরণ করব বা কার কথা মেনে চলব?

বললেন : এই আবু আ'মরো উসমান বিন সাঈদ আ'মরী আমার বিশ্বাস ভাজন ও আমিন। সে যা কিছু তোমাদেরকে বলবে মনে করবে যে আমিই তোমাদেরকে বলছি। আর যা কিছু তোমাদেরকে দেবে মনে করবে যে আমিই তোমাদেরকে দিয়েছি।

আহমাদ বিন ইসহাক বলেন : ইমাম হাদীর (আঃ) শাহাদাতের পর ইমাম আসকারীর (আঃ) কাছে গিয়েছিলাম এবং ঐ একই রকম প্রশ্নের পুনরাবৃত্তি করলাম। এই প্রশ্নের জবাবে তিনি তাঁর বাবার মতই একই কথা বললেন : আবু আ'মরো পূর্ববর্তী ইমামের বিশ্বাস ভাজন ও আমিন ছিল, তদ্রূপ সে আমার জীবদ্দশাতে এবং মৃত্যুর পরেও আমাদের বিশ্বাস ভাজন ও আমিন থাকবে। যা কিছু সে তোমাদের প্রতি বলবে তা আমার পক্ষ থেকে মনে করবে এবং যা কিছু তোমাদের কাছে পৌঁছে দিবে তাও আমার পক্ষ থেকে মনে করবে^৭।

উসমান বিন সাঈদ ইমাম আসকারীর (আঃ) শাহাদাতের পর ইমাম মাহ্দীর (আঃ) নির্দেশে প্রতিনিধিত্বতাকে অব্যাহত দেয়। নিয়ম অনুযায়ী শিয়ারা তাদের বিভিন্ন প্রশ্ন তার কাছে পৌঁছে দিত এবং ইমামের দেওয়া জবাবকে আবার তার কাছ থেকেই নিয়ে আসতো^৮।

মরহুম মুহাক্কেক দামাদ তার “সিরাতুল মুসতাকিম” নামক গ্রন্থে এভাবে লিখেন : আবু আ'মরো উসমান বিন সাঈদ আ'মরী উল্লেখ করেছেন যে, ইবনে আবি গানাম কাযভীনী বলেন, ইমাম হাসান আসকারী (আঃ) কোন সন্তান-সন্ততি না রেখেই মৃত্যুবরণ করেন! শিয়ারা কাযভীনীর সাথে ঝগড়া-বিবাদ করে এবং ইমামের পবিত্র রুহ মোবারকের উদ্দেশ্যে চিঠি পাঠায়, চিঠিটি যৌগিক ছিল না অর্থাৎ কাগজের উপর কালি বিহীন কলম দ্বারা লেখা হয়েছিল। এভাবে লেখার উদ্দেশ্য এই ছিল যে, তাঁর পক্ষ থেকে আসা উত্তরটি পরবর্তীতে ইতিহাসের পাতায় একটি প্রতীক বা অলৌকিক বিষয় হিসাবে লিপিবদ্ধ থাকবে। ঐ চিঠির জবাবটি ইমামের পক্ষ থেকে নিম্নলিখিত ভাবে আসে :

“বিসমিল্লাহীর রহমানির রাহীম”

আল্লাহ তা'য়ালার আমাদের ও তোমাদেরকে যেন পথভ্রষ্ট হওয়া এবং ফিতনা করা থেকে দূরে রাখেন। তোমাদের মধ্যে যে একটি অংশ তাদের দ্বীনের ও ওলী আমরের বেলায়তের উপর দিধা-দ্বন্দ্ব উপনীত হয়েছে সে খবর আমাদের কাছে পৌঁছেছে। এই খবরটি আমাদেরকে প্রভাবিত ও দুঃখিত করেছে। অবশ্য আমাদের প্রভাবিত ও দুঃখিত হওয়াটা আমাদের জন্য নয় বরং তা তোমাদের জন্যই। কেননা আল্লাহ ও সত্য আমাদের সাথে। যারা আমাদের থেকে দূরে সরে যায় তারা আমাদের জন্য কোন আতঙ্কের বিষয় নয়। আমরা আল্লাহ রাব্বুল আ'লামিনের পক্ষ হতে শিক্ষিত-দীক্ষিত ও প্রেরিত হয়েছি। আর অন্যান্য সকল সৃষ্টিত জীব আমাদের মাধ্যমে শিক্ষিত-দীক্ষিত পরিপূর্ণতা পায়। আমরা আল্লাহ রাব্বুল আ'লামিনের নূর থেকে আলোকিত হই আর অন্যান্য সকল কিছুই আমাদের নূর থেকে আলোকিত হয়। কেন তোমরা দিধা-দ্বন্দ্বের মধ্যে পড়েছো, তোমরা কি জাননা যে অতীত ইমামগণের কাছ থেকে তোমাদের কাছে যা কিছু পৌঁছেছে অবশ্যই তা বাস্তবায়িত হবে (অতীত ইমামগণ খবর দিয়েছিলেন যে ক্বায়ম (আঃ) অদৃশ্যতে থাকবে), তোমরা কি দেখনি যে কিভাবে আল্লাহ তা'য়ালার হযরত আদম (আঃ) থেকে শুরু করে

^৭ বিহারুল আনোয়ার, খন্ড- ৫১, পৃঃ- ৩৪৪।

^৮ আল মাহ্দী, পৃঃ- ১৮১, বিহার, খন্ড- ৫১, পৃঃ- ৩৪৬।

অতীত ইমামের সময় পর্যন্ত সর্বদা তাদেরকে আশ্রয়স্থল হিসাবে নিযুক্ত করেছেন। যাতে করে মানুষ তাদের আশ্রয় গ্রহণ করতে পারে এবং তাদের সংস্পর্শ থেকে তারা সঠিক পথের সন্ধান পেতে পারে। যখনই একটি প্রতিক অবর্তমান হয়েছে সাথে সাথে আরেকটি প্রতীক তার স্থানে বর্তমান রূপ নিয়েছেন। আর যখনই একটি নক্ষত্রের অবসান ঘটেছে তখনই আরেকটি নক্ষত্রের উদয় হয়েছে। তোমরাকি এটাই ভেবে নিয়েছ যে, আল্লাহ তা'য়ালার তাঁর পাঠানো এগারতম প্রতিনিধির রূহকে কবজ করে তাঁর কাছে নিয়ে যাওয়ার পর নিজের দেয়া দ্বীনকে বাতিল করে দিয়েছেন এবং তাঁর নিজের ও তার সৃষ্টির মধ্যকার যোগাযোগের মাধ্যমকে বিচ্ছিন্ন করেছেন। অবশ্যই এরকম নয় এবং এরকম হবেও না কখনও। আর এমনই মনে করছো যে আল্লাহর নির্দেশ প্রতিষ্ঠিত হবে যখন কিনা তাঁর পছন্দকারী বা প্রতিনিধিত্বকারীরা থাকবে না। না তা অবশ্যই না। সুতরাং আল্লাহকে ভয় করে চল এবং আমাদের কাছে তোমাদেরকে আত্মসমর্পণ কর এবং পরিচালনার দায়িত্বকে আমাদের কাছে ফিরিয়ে দাও। আমি তোমাদেরকে এ ব্যাপারে উপদেশ দান করছি, আর এ ব্যাপারে আল্লাহ আমাদের মধ্যে সাক্ষী হিসাবে রইলেন^৯।

উসমান বিন সাঈদ মৃত্যুর পূর্বে ইমাম মাহ্দির (আঃ) নির্দেশে নিজের সন্তান আবু জা'ফর মুহাম্মাদ বিন উসমানকে তার স্থলাভিষিক্ত করে মানুষের মাঝে পরিচয় করিয়ে দেয়।

মুহাম্মাদ বিন উসমান নিজেও তার পিতার মতই খোদাভীরুতা, ন্যায়পরায়নতা ও মহানুভবতার দিক দিয়ে মানুষের মাঝে বিশ্বাসী ও সম্মানের অধিকারী ছিলেন। হযরত ইমাম আসকারী (আঃ) আগেও এই পিতা ও পুত্রের বিশ্বস্ততার ও আস্থাভজনের ব্যাপারে স্বীকৃতি দিয়েছিলেন। মরহুম শেখ তুসি এ ব্যাপারে লিখেন : শিয়া সম্প্রদায় তাদের ন্যায়পরায়নতা, খোদাভীরুতা ও আমানতদারীতার ব্যাপারে অবগত ছিল^{১০}।

ইমাম মাহ্দির (আঃ) প্রথম প্রতিনিধি জনাব উসমান বিন সাঈদ এর মৃত্যুবরণের পরে তৌওকি'য়ী^{১১} পাওয়া যায় যাতে তার মৃত্যুর ও তার সন্তান মুহাম্মাদকে ইমামের দ্বিতীয় প্রতিনিধির পদে অধিষ্ঠিত করার ব্যাপারে খবর ও নির্দেশ ছিল, যা নিম্নে উল্লেখ করা হল :

أَنَا لِلَّهِ وَ أَنَا إِلَيْهِ رَاجِعُونَ তার দেওয়া বিভিন্ন প্রকার আদেশ-নির্দেশের প্রতি সমর্থন জানাচ্ছি ও বিচার-আচারের প্রতি রাজী আছি। তোমার পিতা সম্মানজনকভাবে জীবন-যাপন করেছে এবং সৌভাগ্যবান হয়ে মৃত্যুবরণ করেছে। আল্লাহ তাকে রহমত দান করুন এবং তাকে তার ইমামগণের (আঃ) সাথে স্থান দান করুন। সর্বদা সে তার ইমামগণের কাজে শরিক হত এবং যা কিছুতে আল্লাহ তা'য়ালার খুশি হবেন ও ইমামগণের পছন্দ ছিল তাই করার চেষ্টা করতো। আল্লাহ তা'য়ালার তার উপর রাজী ও খুশি হোক এবং তার ভুল-ত্রুটিগুলোকে ক্ষমা করুক। এই তৌওকি'য়ের অন্য আরেক জায়গায় বলেছেন :

আল্লাহ রাব্বুল আ'লামিন তোমাকে বড় ধরনের পুরস্কারে পুরস্কৃত করুক এবং তোমাকে মুসিবতের মধ্যেও স্বস্তি ও শান্তি দান করুক। তুমি মুসিবতের মধ্যে আছো এবং আমরাও একই পরিস্থিতির মধ্যে ছিলাম। তোমার বাবার বিচ্ছেদ তোমাকে ও আমাদেরকে দারুণভাবে মর্মান্বিত করেছে এবং তার অনুপস্থিতি তোমাকে ও আমাদেরকে মুসিবতের মধ্যে পতিত করেছে। আল্লাহ তা'য়ালার তাকে তার রহমতের সর্ব উচ্চ মর্যাদা সম্পন্ন স্থান দান করুক। তোমার পিতা এতই পরিপূর্ণতায়

^৯ আনওয়ারুল বাহীহ, পৃঃ- ৩২৪।

^{১০} বিহারুল আনোয়ার, খন্ড- ৫১, পৃঃ- ৩৪৫-৩৪৬, গাইবাত -শেখ তুসি, পৃঃ- ২১৬, ২১৯।

^{১১} তৌকি'য়ী হচ্ছে ইমাম-এ-জামান (আঃ) এর কাছ থেকে তার অনুসারীদের কাছে আসা চিঠি।

সৌভাগ্যবান ছিল যে আল্লাহ তা'য়ালার কাছে তোমার মত সন্তান দিয়েছেন, যে পিতার পরে নিজেই তার প্রতিনিধি হবে ও তার প্রতিটি বিষয়ের দায়িত্বশীল হয়ে তার জন্য আল্লাহর কাছে রহমত ও মাগফিরাত কামনা করবে। আমি আল্লাহর দরবারে শুকরিয়া আদায় করছি এ কারণে যে সমস্ত ইমামগণের দৃষ্টি তোমার উপর এবং যা কিছু আল্লাহ তোমার মধ্যে ও তোমার কাছে দিয়েছেন তা খুশি ও আনন্দের বিষয়। আল্লাহ তা'য়ালার তোমাকে সাহায্য করুন এবং শক্তিশালী ও দৃঢ় করুন। আর তিনি যেন তোমাকে সাফল্য দান করে তার ছায়ার তলায় স্থান দেন^{১২}।

আব্দুল্লাহ বিন জাফর হামিরী বলেন : উসমান বিন সাঈদ এর মৃত্যুর পর ইমামের হাতে লেখা একটি চিঠি আমাদের কাছে আসে। যাতে লেখা ছিল আবু জাফর (মুহাম্মদ বিন উসমান বিন সাঈদ আ'মরী) তার পিতার স্থানে অধিষ্ঠিত হয়েছে^{১৩}।

অন্য আরেকটি তৌওকি'য়ীতে ইসহাক বিন ইয়াকুব কুলাইনী প্রশ্নের উত্তরে ইমাম এমনই লিখেছেন :

মুহাম্মদ বিন উসমান আ'মরী তার ও তার পিতা যে আগেই গত হয়েছে আল্লাহ তাদের উপর রাজী ও খুশি আছেন। সুতরাং সেও ঐরূপ আমার প্রতিনিধি এবং তার লিখিত বিষয়গুলি হচ্ছে আমারই লেখা^{১৪}।

আব্দুল্লাহ বিন জাফর হামিরী বলেন : মুহাম্মদ বিন উসমানকে জিজ্ঞাসা করেছিলাম ইমাম মাহ্দীকে (আঃ) দেখেছো?

বলল : হ্যাঁ, তাঁর সাথে আমার শেষ দেখা হয়েছিল বাইতুল্লাহেল হারামের (কা'বা ঘর) পাশে, আর তিনি বলছিলেন :

(اللَّهُمَّ أَنْجِزْ لِي مَا وَعَدْتَنِي)^{১৫}

এবং তাকে মুসতায়ারে^{১৬} দেখেছিলাম, আর তিনি বলছিলেন :

(اللَّهُمَّ أَنْتَقِمْ بِي أَعْدَائِي)^{১৭}

মুহাম্মদ বিন উসমান আরও বলেন : ইমাম মাহ্দী (আঃ) প্রতি বছর হজ্বের সময় সেখানে উপস্থিত হয়ে সবাইকে দেখেন এবং সবাইকে চিনতে পারেন। আর অন্যরাও তদ্রূপ তাকে দেখতে পায় কিন্তু চিনতে পারে না^{১৮}।

মুহাম্মদ বিন উসমান নিজের জন্য একটি কবর তৈরী করে তা সাজ (এক ধরনের কাপড় বা পোশাক) দিয়ে ঢেকে রেখেছিল। আর সেই কাপড়ের উপর পবিত্র কোরআন মজিদের কয়েকটি আয়াত ও ইমামগণের (আঃ) নাম লিখে সেই কবরের মধ্যে গিয়ে প্রতিদিন এক পারা কোরআন তেলাওয়াৎ করত^{১৯}।

^{১২} বিহারুল আনোয়ার, খন্ড- ৫১, পৃঃ- ৩৪৯, কামালুদ্দিন, খন্ড- ২, পৃঃ- ১৮৮, হাদিস- ৩৮।

^{১৩} বিহারুল আনোয়ার, খন্ড- ৫১, পৃঃ- ৩৪৯।

^{১৪} বিহারুল আনোয়ার, খন্ড- ৫১, পৃঃ- ৩৪৯-৩৫০, কাশফুল গ্বাম্ম, খন্ড- ৩, পৃঃ- ৪৫৭।

^{১৫} বিহারুল আনোয়ার, খন্ড- ৫১, পৃঃ- ৩৫১।

^{১৬} বিহারুল আনোয়ার, খন্ড- ৫১, পৃঃ- ৩৫১।

^{১৭} মুসতাজার রোকন ইয়ামানী ও কা'বার সামনে অবস্থিত সেখানে গোনাহ্গাররা আশ্রয় নেয়।

^{১৮} বিহারুল আনোয়ার, খন্ড- ৫১, পৃঃ- ৩৫১।

^{১৯} আল কুনী ওয়াল আলকাব, খন্ড- ৩, পৃঃ-২৬৭-২৬৮।

তার এই কাজের কারণে, সে তার মৃত্যুর দিনক্ষণ সম্বন্ধে জানতে পারে। যে দিনক্ষণ সম্বন্ধে সে আগেই খবর পেয়েছিল ঠিক সে দিনেই সে মৃত্যুবরণ করেছিল^{২০}। তার মৃত্যুর কিছু সময় আগে শিয়া মাযহাবের কিছু বিশিষ্ট ব্যক্তি তার কাছে আসলে তাদের সামনে ইমাম মাহ্দীর (আঃ) নির্দেশে আবুল কাসেম হুসাইন বিন রুহ নওবাখতিকে ইমামের পরবর্তী প্রতিনিধি হিসাবে পরিচয় করিয়ে দিয়ে বলেন : সে আমার স্থলাভিষিক্ত, তোমরা এখন থেকে তার সাথে যোগাযোগ রাখবে^{২১}।

জনাব আবু জাফর মুহাম্মদ বিন উসমান আ'মরী ৩০৫ হিজরী কামারী সনে মৃত্যুবরণ করেন^{২২}।

হুসাইন বিন রুহ নওবাখতি :

জনাব আবুল কাসেম হুসাইন বিন রুহ নওবাখতি তার পক্ষের ও বিপক্ষের লোকজনদের কাছে বিশেষ সম্মানের পাত্র ছিলেন। তিনি আকুল, উন্নত চিন্তা, খোদাভিরুতা ও ফযিলতের দিক দিয়ে বিশেষ পরিচিত ছিলেন। বিভিন্ন ফিরকা ও মাযহাবের লোকেরা তার কাছে আসা-যাওয়া করত। ইমামের দ্বিতীয় প্রতিনিধি মুহাম্মদ বিন উসমান আ'মরীর আমলে তিনি তার কাজের কয়েকটি বিভাগের দায়িত্বশীল ছিলেন। বন্ধু-বান্ধবদের মধ্যে বিশেষ করে মুহাম্মদ বিন উসমান, জাফর বিন আহমাদ বিন মুতাইল কোমীর সাথে অন্যদের তুলনায় তার বিশেষ সম্পর্ক ছিল। সম্পর্ক এতই গভীর ছিল যে মুহাম্মদ বিন উসমানের জীবনের শেষ দিকে জাফর বিন আহমাদের বাড়ীতে তার খাবার রান্না হত। দ্বিতীয় প্রতিনিধির সাহাবাদের মধ্যে জাফর বিন আহমাদ বিন মুতাইলেরই অন্যদের তুলনায় তার স্থলাভিষিক্ত হওয়ার সম্ভাবনা বেশী ছিল। জীবনের শেষ সময়ে এবং যখন মুহাম্মদ বিন উসমান শেষ নিঃশ্বাস ত্যাগের অপেক্ষায় তখন জাফর বিন আহমাদ তার মাথার কাছে ও হুসাইন বিন রুহ নওবাখতি তার পায়ের কাছে বসে ছিলেন^{২৩}। এমতবস্থায় মুহাম্মদ বিন উসমান জাফর বিন আহমাদের দিকে তাকিয়ে বললেন : ইমামের প্রতিনিধিত্বকে আবুল কাসেম বিন রুহ নওবাখতির উপর অর্পণ করার জন্য আমাকে নির্দেশ দেওয়া হয়েছে।

জাফর বিন মুহাম্মদ তার নিজের জায়গা থেকে উঠে গিয়ে হুসাইন বিন রুহ নওবাখতির হাত ধরে তাকে মুহাম্মদ বিন উসমানের মাথার কাছে বসিয়ে দিল ও নিজে তার পায়ের কাছে বসলো^{২৪}।

ইমাম মাহ্দীর (আঃ) পক্ষ থেকে হুসাইন বিন রুহ নওবাখতির ব্যাপারে এই তৌওকি'য়ী আসে :

“আমরা তাকে জানি। আল্লাহ্ রাক্বুল আ'লামিন যেন তার প্রতিটি ভাল ও পছন্দনীয় বিষয়গুলোকে তাকে চিনিয়ে দেন এবং তার ক্ষমতা দিয়ে যেন তাকে সাহায্য করেন। তার লিখিত বিষয়ের প্রতি খবর রাখি ও তার ব্যাপারে বিশ্বাস রাখি। আমাদের কাছে তার মর্যাদা ও সম্মান আছে যা তাকে আনন্দিত করবে। আল্লাহ্ রাক্বুল আলামিন যেন তার মধ্যে উন্নত দিকগুলোকে বৃদ্ধি করে দেন। কেননা তিনি সকলের মা'বুদ ও সকলের উপর কর্তৃত্বশালী। প্রশংসা একমাত্র আল্লাহ্ তা'য়ালার যার কোন শরিক নেই এবং দরুদ ও সালাম সেই আল্লাহ্ প্রেরিত নবী মুহাম্মদ (সাঃ) ও তাঁর পরিবারের উপর।”

^{২০} আল কুনী ওয়াল আলকাব, খন্ড- ৩, পৃঃ- ২৬৮।

^{২১} বিহারুল আনোয়ার, খন্ড- ৫১, পৃঃ-৩৫৪-৩৫৫, গাইবাত -শেখ তুসি, পৃঃ- ৩২৬-৩২৭।

^{২২} বিহারুল আনোয়ার, খন্ড- ৫১, পৃঃ- ৩৫২।

^{২৩} বিহারুল আনোয়ার, খন্ড- ৫১, পৃঃ- ৩৫৩-৩ ৫৪।

^{২৪} বিহারুল আনোয়ার, খন্ড- ৫১, পৃঃ- ৩৫৪।

এই চিঠিটি রোজ শনিবার ৩০৫ হিজরীর সাউওয়াল মাসের ৬ তারিখে ইস্যু হয় ^{২৫}।

আবু সাহল নওবাখতি যিনি একজন বিশিষ্ট জ্ঞানী ব্যক্তি ও নওবাখতি বংশের বয়জেষ্ঠ ছিলেন এবং অনেক বইও লিখেছিলেন তার কাছে জানতে চাওয়া হল যে কেন তিনি ইমামের প্রতিনিধিত্বে অধিষ্ঠিত না হয়ে আবুল কাসেম হুসাইন রুহ নওবাখতি এই পদে উপনীত হল ?

বললেন : তারা (ইমামগণ) সকলের থেকে বিজ্ঞ এবং যা কিছু নির্বাচন করেন তা অধিকতর উপযুক্ত ও গ্রহণযোগ্য। কিন্তু আমি এমন এক লোক যে শত্রুদের সাথে ইমামতের বিষয়ে কথপোকথন ও আলোচনা করি। যদি ইমামের প্রতিনিধি হতাম এবং তার অবস্থান সম্পর্কে জানতাম, যেমন এখন আবুল কাসেম হুসাইন বিন রুহ নওবাখতি প্রতিনিধিত্বের সুত্রে জানে, ইমামতের বিয়য়ে বিরুদ্ধাচারণকারীদের সাথে তর্ক-বিতর্কে ব্যস্ত হয়ে হয়তো তাদের কাছে ইমামের অবস্থানের ব্যাপারে বলে ফেলতাম। কিন্তু সে এ ব্যাপারে এমন শক্ত যে, যদি ইমাম তার জুব্বার নিচে লুকিয়ে থাকে এবং তাকে বিশাল ধারালো অস্ত্র দিয়ে টুকরো টুকরো করে ফেলা হয়, সে তার জুব্বা উঠিয়ে নিবে না এবং ইমামকে শত্রুদের সামনে তুলে ধরবে না ^{২৬}।

জনাব আবুল কাসেম হুসাইন বিন রুহ নওবাখতি আনুমানিক ২১ বছর ইমামের প্রতিনিধিত্ব করেন। তার মৃত্যুর আগে তার প্রতিনিধিত্বকে ইমামের নির্দেশে আবুল হাসান আলী বিন মুহাম্মদ সামারীর নিকট হস্তান্তর করে যায়। ৩২৬ হিজরীর সাবান মাসে তার ইন্তেকাল হয়। তার সমাধীস্থানটি বাগদাদে অবস্থিত ^{২৭}।

আবুল হাসান সামারী :

“মুনতাহা আলমাকাল” নামক গ্রন্থের লেখক ইমামের চতুর্থ প্রতিনিধি আবুল হাসান আলী বিন মুহাম্মদ সামারীর ব্যাপারে এভাবে লিখেছেন : তার সম্মান ও কদর এতই বেশী ছিল যে তার ব্যাপারে কোন কথা বলার প্রয়োজন পড়ে না ^{২৮}।

এই মহান ব্যক্তি ইমাম মাহ্দীর (আঃ) নির্দেশে হুসাইন বিন রুহ নওবাখতির পরে প্রতিনিধির স্থানে স্থলাভিষিক্ত হয়ে শিয়াদের বিভিন্ন বিষয়ে দেখাশুনার দায়িত্ব প্রাপ্ত হন।

মরহুম মুহাদ্দেস কোমী এভাবে লিখেছেন : আবুল হাসান সামারী একদিন একদল সম্মানিত জ্ঞানী ব্যক্তি বৃন্দদের মধ্যে বলেন, আল্লাহ তা'য়াল তোমাদের প্রতি আলী বিন বাবুই কোমীকে হারানোর দুঃখে শান্ত থাকার তৌফিক দান করুন, সে এখনই দুনিয়া থেকে বিদায় নিলো।

উপস্থিত সকলে ঐ সময়, দিন ও মাস লিখে রাখলো। ১৭/১৮ দিন পরে খবর পৌঁছালো যে ঠিক ঐ সময়েই আলী বিন বাবুই কোমী দুনিয়া থেকে বিদায় নিয়েছিলেন ^{২৯}।

আলী বিন মুহাম্মদ সামারী ৩২৯ হিজরীতে ইন্তেকাল করেন ^{৩০}। তার মৃত্যুর পূর্বে শিয়া মাযহাবের একদল লোক তার পাশে উপস্থিত হয়ে জিজ্ঞেস করল, তোমার পরে তোমার স্থলাভিষিক্ত কে হবে?

^{২৫}। বিহারুল আনোয়ার, খন্ড- ৫১, পৃঃ- ৩৫৬, গায়বাত -শেখ তুসি, পৃঃ- ২২৭।

^{২৬}। বিহারুল আনোয়ার, খন্ড- ৫১, পৃঃ- ৩৫৯, আল কানী ওয়াল এলকাব, খন্ড-১, পৃঃ- ৯১।

^{২৭}। বিহারুল আনোয়ার, খন্ড- ৫১, পৃঃ- ৩৫৮, ৩৬০।

^{২৮}। মুনতাহা আলমাকাল।

^{২৯}। আল কুনী ওয়াল আলকাব, খন্ড- ৩, পৃঃ- ২৩১, বিহার, খন্ড- ৫১, পৃঃ- ৩৬১।

^{৩০}। গাইবাত -শেখ তুসি, পৃঃ- ২৪২-২৪৩।

জবাবে বলল : আমাকে দায়িত্ব দেয়া হয়নি যে এ ব্যাপারে কাউকে পরিচয় করিয়ে দিয়ে যাব ^{৩১}। ইমামের কাছ থেকে যে তৌওকি'য়ীটি ইস্যু হয়েছিল তা তাদেরকে দেখালো। তারা তা থেকে হুবহু নকল করে রাখলো। সেটির বিষয় বস্তু ছিল এরূপ :

“বিসমিল্লাহীর রহমানির রহীম”

ওহে আলী বিন মুহাম্মদ সামারী! আল্লাহ্ তা'য়ালার তোমার বিয়োগে তোমার ভাইদের শোক-তাপ করাতে পুরস্কৃত করবেন। তুমি আর ৬ দিন পরে দুনিয়া থেকে বিদায় নিবে। সুতরাং তোমার দায়-দায়িত্বকে গুছিয়ে নিয়ে এসো এবং কাউকে তোমার স্থলাভিষিক্ত হিসাবে পরিচয় করাবে না। দীর্ঘমেয়াদী অদৃশ্যকালের সূচনা হয়েছে এবং আল্লাহ্‌র নির্দেশ না হওয়া পর্যন্ত আবির্ভাবের কোন ঘটনাই ঘটবেনা। কিছু সময় অতিবাহিত হওয়ার পর যখন অন্তরসমূহ কঠিন হয়ে যাবে, পৃথিবী জুলুম ও অত্যাচারে পরিপূর্ণ হয়ে যাবে, তখন অনেকেই আমার অনুসারীদের কাছে আমার প্রতিনিধি বা আমার সাথে যোগাযোগ আছে এমনটি বলে দাবী করবে। যেন রাখ যারা সুফিয়ানী ও সিইহার ^{৩২} উত্থানের আগে এ ধরনের দাবী করবে অর্থাৎ ইমামের পক্ষ হতে দায়িত্ব প্রাপ্তের দাবী করবে তারা হচ্ছে মিথ্যাবাদী।

وَلَا حَوْلَ وَلَا قُوَّةَ إِلَّا بِاللَّهِ الْعَلِيِّ الْعَظِيمِ ^{৩৩}

৬ষ্ঠ দিনে জনাব আবুল হাসান সামারী দুনিয়া থেকে বিদায় নেন। খালেনজী রাস্তার কাছে আবী ইতাব নদীর পাশে তাকে দাফন করা হয় ^{৩৪}।

ইমামের (আঃ) বিশেষ প্রতিনিধিগণ তাদের জামানায় প্রত্যেকেই অধিক পরহেজগার ও সম্মানিত ছিলেন। তারা শিয়াদের আস্থাভাজন ও বিশ্বাসভাজন ছিলেন। স্বল্পমেয়াদী অদৃশ্যকালের সমস্ত সময়টাতে শিয়ারা তাদের বিভিন্ন প্রশ্ন ও সমস্যাকে তাদের কাছে বর্ণনা করেছে। আর ইমাম (আঃ) সে সকল প্রশ্নের ও সমস্যার সমাধানও তাদের মাধ্যমেই শিয়াদের উদ্দেশ্যে পাঠাতেন। সে সময় এ ধরনের যোগাযোগ সবার জন্যেই সম্ভব ছিল। এমনকি কিছু সংখ্যক যোগ্যতা সম্পন্ন ব্যক্তি এই বিশেষ প্রতিনিধিদের মাধ্যমে ইমামের সাক্ষাতে উপনীত হয়ে তাকে দেখার সৌভাগ্যও অর্জন করেছিলেন।

এই স্বল্পমেয়াদী অদৃশ্যের সময়ে ইমামের পক্ষ থেকে তাঁর প্রতিনিধিদের মাধ্যমে যে সকল অলৌকিক ঘটনা ঘটতো তা তাদের প্রতি মানুষের বিশ্বস্ততা আরও অধিকতর করত। মরহুম শেখ তুসির উদ্ধৃতি দিয়ে “এহতেজাজ” নামক গ্রন্থে লেখা হয়েছে :

ইমামের বিশেষ প্রতিনিধিদের কেউই তাঁর নির্দেশ বা আগের প্রতিনিধির মাধ্যমে পরিচিত না হওয়া পর্যন্ত প্রতিনিধিত্ব পাওয়ার জন্য ছোট ছোট করেননি। আর শিয়ারাও কাউকে গ্রহণ করেনি যতক্ষণ পর্যন্ত না ইমামের পক্ষ হতে তাদের মাধ্যমে কোন অলৌকিক ঘটনার অবতারণা হত, বা ইমামের দেয়া নিদর্শন তাদের মধ্যে দেখতে পাওয়া যেত.....^{৩৫}।

^{৩১} বিহার, খন্ড- ৫১, পৃঃ- ৩৬০।

^{৩২} এ দুটি আলামত ইমাম মাহ্দীর (আঃ) আবির্ভূত হওয়ার আগে সংঘটিত হবে।

^{৩৩} বিহার, খন্ড- ৫২, পৃঃ- ৩৬১, গাইবাত -শেখ তুসি, পৃঃ- ২৪২-২৪৩,

^{৩৪} আ'য়ানুশ শিয়া, পৃঃ- ১৯৩।

^{৩৫} বিহারুল আনোয়ার, খন্ড- ৫১, পৃঃ- ৩৬২।

যা হোক, স্বল্পমেয়াদী অদৃশ্যের পর্ব শেষে দীর্ঘমেয়াদী অদৃশ্যের পর্ব শুরু হয় যা এখনও পর্যন্ত অব্যাহত আছে। স্বল্পমেয়াদী অদৃশ্যের সময় লোকজন তাদের প্রশ্নের জবাব ইমামের কাছ থেকে তাঁর প্রতিনিধিদের মাধ্যমে নিতে পারতো। কিন্তু এখন এটা আর সম্ভব নয়। এখন লোকজন অবশ্যই তাদের প্রশ্নকে ইমামের সাধারণ প্রতিনিধিদের কাছে বর্ণনা করে তাদের কাছ থেকেই জবাব সংগ্রহ করবে। কেননা তারা ফতোয়া দেয়ার বিষয়ে পাণ্ডিত্য লাভ করেছেন যা তাদের দেয়া দৃষ্টি ভঙ্গি গ্রহণযোগ্য। সাথে সাথে এ ব্যাপারে বিশেষ রেওয়াজে আছে যা প্রনিধানযোগ্য। মরহুম কাশ্শি লিখেছেন যে ইমামের (আঃ) কাছ থেকে তৌওকি'য়ী ইস্যু হয়েছে তাতে তিনি বলেছেন : আমাদের প্রতিনিধিদের ব্যাপারে আমাদের অনুসারীদের যেন কোন প্রকার অজুহাত, আপত্তি বা দ্বিধা-দ্বন্দ্ব না থাকে, কেননা তোমরা যেন রাখ যে আমাদের গোপন রহস্যগুলোকে তাদের কাছে অর্পন করেছি বা তাদেরকে দিয়েছি^{৩৬}।

শেখ তুসি, শেখ সাদুক ও শেখ তাবরাসী, ইসহাক বিন আম্মারের উদ্ধৃতি দিয়ে উল্লেখ করে বলেছেন : আমাদের মাওলা হযরত মাহ্দী (আঃ) তার অদৃশ্য থাকার সময় শিয়াদের দায়িত্ব ও কর্তব্য সম্বন্ধে বলেছেন :

(وَ أَمَّا الْحَوَادِثُ الْوَاقِعَةُ فَارْجِعُوا فِيهَا إِلَى رِوَاةِ حَدِيثِنَا فَإِنَّهُمْ حُجَّتِي عَلَيْكُمْ وَ أَنَا حُجَّةُ اللَّهِ عَلَيْهِمْ)

যে কোন পরিস্থিতির অবতারণা বা ঘটনা ঘটলে বা আসলে আমাদের হাদীস বর্ণনাকারীদের কাছে শরণাপন্ন হবে, কেননা তারা হচ্ছে তোমাদের জন্য আমার প্রতিনিধি এবং আমি হচ্ছি তাদের জন্য আল্লাহর প্রতিনিধি^{৩৭}।

মরহুম তাবরাসীর উদ্ধৃতি দিয়ে “এহতেজাজ” নামক গ্রন্থে ইমাম সাদিক (আঃ)-এর কাছ থেকে উল্লেখ করা হয়েছে যে, তিনি এই হাদীসে বলেছেন :

(وَ أَمَّا مَنْ كَانَ مِنَ الْفُقَهَاءِ صَائِنًا لِنَفْسِهِ حَافِظًا لِدِينِهِ مُخَالَفًا لِهَوَاهُ مُطِيعًا لِأَمْرِ مَوْلَاهُ فَلِلْعَوَامِ أَنْ يُقْلِدُوهُ)

যে সকল ফকীহ, তারা তাদের নফসকে নিয়ন্ত্রন করে, স্বীনের রক্ষক, শয়তানী চিন্তা-চেতনার বিরুদ্ধাচারনকারী ও তার মাওলার (ইমামগণ) নির্দেশের প্রতি আনুগত থাকে, জনসাধারণের উচিত তাদেরকে অনুসরণ করে চলা^{৩৮}।

এমতাবস্থায় দীর্ঘমেয়াদী অদৃশ্যের সময়ে মুসলমানদের স্বীন ও দুনিয়ার বিষয়াদী দেখাশুনার দায়িত্ব বেলায়তে ফকীহর হাতে অর্পিত হয়েছে। অবশ্যই এসব বিষয়াবলী যেন তার দিক-নির্দেশনা অনুযায়ী হয়। যদিও ফতোয়া, বিচার ও রায় প্রদানের অধিকার অনেক আগে থেকেই ইমামগণের (আঃ) পক্ষ থেকে তাদের উপর ন্যাস্ত ছিল, কিন্তু তাদেরকে অনুসরণ করে চলার প্রক্রিয়া এই দিন থেকে আনুষ্ঠানিকভাবে স্বীকৃতি পেয়েছে এবং ইমাম মাহ্দী (আঃ) আবির্ভাব না করা পর্যন্ত তা অব্যাহত থাকবে।

^{৩৬}। আল মাহ্দী, পৃঃ- ১৮২-১৮৩।

^{৩৭}। এহতিজাজ, পৃঃ- ২৮৩।

^{৩৮}। আল মাহ্দী, পৃঃ- ১৮২-১৮৩।